
ФАРҒОНА ВИЛОЯТИНИНГ ИНВЕСТИЦИОН, САВДО-ИҚТИСОДИЙ САЛОҲИЯТИ ХИТОЙДА ЎТКАЗИЛГАН БИЗНЕС-ФОРУМДА ТАҚДИМ ЭТИЛДИ

Бугун, Хитой Халқ Республикасининг Шэньси провинцияси Вэйнань шаҳрида “Бир макон, бир йўл” халқаро ҳамкорлик ташаббуси доирасида бизнес-форум ва ярмарка бўлиб ўтди.

Вэйнань шаҳри маъмурияти ҳамда шаҳар савдо департаменти томонидан ташкил этилган ушбу йирик тадбирда Хитой, Россия, Япония, Покистон, Мексика каби 12 та мамлакатдан элчилар, ҳудудлар бошқарув органлари раҳбарлари, йирик бизнес вакилларида иборат 4000 нафардан зиёд иштирокчи офлайн ва онлайн шаклда қатнашдилар.

Тадбирда Фарғона вилояти ҳокимининг ўринбосари Иқболжон Эргашев томонидан вилоятнинг инвестицион, савдо-иқтисодий салоҳияти юзасидан онлайн тақдимот ўтказилди.

Форум доирасида барча иштирокчилар томонидан имзоланган жами ҳужжатлар сони 13 та бўлган бўлса, буларнинг энг асосийси аҳолиси қарийб 5 млн. кишидан зиёд Вейнань шаҳри халқ ҳукумати ҳамда вилоятимизнинг Қува тумани ҳокимлиги ўртасида онлайн тарзда имзоланган ўзаро инвестициявий, савдо-иқтисодий ҳамкорлик юзасидан Англашув меморандуми бўлди.

Жорий йил июнь ойида 200 нафарга яқин тадбиркордан иборат Хитой делегациясининг Фарғона шаҳрига ташрифи кутилмоқда. Ташриф давомида Фарғона-Хитой бизнес-форуми ташкил этилиши режалаштирилмоқда.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-01-11 09:37:34